

بِسْمِ اللَّهِ الرَّحْمَنِ الرَّحِيمِ



Khutba Jummah

Hazrat Khalifatullah Munir. A. Azim (atba)

16 Octobre 2020

28 Safar 1442 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lors :

Duahs (Invocations) (Pt. 15)



Par la grâce d'Allah (swt), c'est Li-même ki donne moi sa *Tawfiq* là pour mo continuer présente devant zot bane *duahs* ki ti révéler au commencement de la Manifestation Divine. Li pas pou possible pou moi, pour cite sakaine de sa bane *duahs* révéler là, avec so jour, so date, so l'heure et dans ki circonstances zot fine révéler parski le Khutba pou vine longue et pou prend des mois et des mois puisque mo pé faire ene série Khutba Jummah lors *duahs*. Alors mo partage avec zot quelques de sa bane *duahs* là.

Allah (swt) fine révèle moi, et pas pour

capave présente tous, parski Allah (swt) de par So grâce et So miséricorde Li encore toujours révèle bane *duahs* à So Khalifatullah, couma Li pé encore déssane aussi So bane révélations. Li pas ene Bondié Qui donne révélations zis pour ene lé temps après Li arrête causer (donne révélations). Kan Li élève So serviteur choisi, à chaque fois Li déssane bane messages lors So messenger et pour montrer aussi ki Li là, Li pas abandonne So Messenger ki Li élever. Li donne li bane messages, bane *duahs*, montrer So bane signes. Li plisse ki sa parent ki fine gagne ene bébé fek né dans so la caze, kot parent là occupe li A-ziska-Z couma nous dire. Bé Allah (swt) Li plisse ki sa parent kan Li envoie So Messenger et sa faire Messenger là aussi péna aucaine crainte de bane créatures, ki zot pé dire, ki complot zot pé faire, et sa bane là boufonne li, traite li de menteur, fou, et dire ki li prend médicaments (*Sycotroph*), anti-dépressants – tous zot blâmes ki zot mette lors Allah So Messenger, Allah (swt) Li présent partout avec So bane anges ki pé écrire séki sa bane imbéciles là pé dire et pé faire ; ene par ene pé écrire et donc ena zot l’heure ki Allah (swt) pour deal avec zot lors sa la terre là et séki dans l’au-delà pour pli pénible.

Ene Messenger d’Allah li pas gagne aucaine tracas de séki sa bane malfaiteurs là pé faire contre Li, parski so manger-boire, l’honneur, dignité, même so mission pas trouve dans la main sa bane imbéciles là. Au contraire pli zot pile lors la tête de sa Messenger d’Allah là, couma dire ene boule ; kan ou tappe boule là avec ou la main, li monte dans l’air. Par sa bane épreuves, persécutions et boycott la même ki prouve la véracité d’ene Messenger d’Allah. Donc, si le Créateur de l’Univers fine envoie So Messenger, pour ki raison nous bizin tracasser par sa bane kalité malfaiteurs là, kan nous conne très bien zot séjour ici-bas li temporaire, et zot pour bizin présenter dans la cour d’Allah (swt) ? Sakaine ena pou rende compte pour séki li fine faire.

Donc, comme ene Khalifatullah, Messenger d’Allah, sa bane épreuves, boycott, persécutions, complots là zot ene nannié ditout. Kan mo ressenti la présence de mo Rab, ena ene tel parfum du ciel ki manifester [en parlant de sa, pas seulement moi ki senti sa bane parfum de côté d’Allah (swt) là, mais prend depuis commencement de la Manifestation Divine, plusieurs de mo bane disciples, et même ziska ce jour, ki li missiés, madames et zenfants fine témoigne de bane parfums extraordinaire ki vine de côté d’Allah (swt). Récemment dans l’Inde aussi, dans Tamil Nadu, mo bane disciples zot gagne sa bane parfums là aussi et zot aussi gagne bane bons nouvelles comme récompenses de zot l’attachement et zot

sincérité envers Allah (swt) et So Messenger dans sa siècle présent là. *Alhamdulillah, Summa Alhamdulillah*].

Et alors kan sa bane parfums du ciel là manifester, Allah (swt) sépare moi de bane malpropretés ; mo bane l'ennemies zot bane plans et complots pareil couma dire ou pé passe kot ene toilette piyantaire, ki bizin bousse néné et la bouche. Donc, si mo ena pour dire même, ena beaucoup pour dire. Lerlà zot pou trouve saki mo pé dire là, li bien dur. Laisse nous quitte malpropreté, nous rentre dans le Bain Spirituelle ki pour parfume nous les corps et surtout nous l'âme, *Insha-Allah*.

En parlant de sa, mo partage avec zot ene rêve bien important ki mo cher disciple Abdur Rahman de Coimbatore fine faire détros jours de cela :

Li ti pé faire *tabligh* avec ene Ahmadi, et li fine annonce li ki le Réformateur du 15^{ème} siècle fine vini. Alors sa dimoune là fine surpris et fine dire : « *Vraiment ? Ene dimoune nek pou vini coumsa ?* » Après sa, li rêver ki Hazrat Massih Ma'ud (as) – Hazrat Mirza Ghulam Ahmad (as) fine vini et fine annonce à bane dimounes : « *Vine ici et ré-prend le Bai'at avec moi* » mais la plupart de bane dimounes fine refuser ; seulement quelques-z'un fine ré-prend *Bai'at*.

Donc, nous bizin comprend aussi ki Allah (swt) pas donne tous dimounes sa l'occasion là pour purifier zot avec sa bane parfums, richesses, et trésors ki vine du ciel. Seulement bane *Muttaqi* ki pour bénéficier sa ; bane ki ena la crainte de zot Créateur et zot obéir Allah (swt) et reconnaite So Messenger sans aucaine l'arrogance, vantard et zot accepter et zot vine bane disciples sincère, honnête de sa Messenger là.

Et dans sa rêve là, li montrer clairement ki le Messie fine ré-vini et ki mo so deuxième venue, mais seulement quelques-z'uns de bane dimounes, surtout bane Ahmadi, bane ki dire ki zot croire dans Hazrat Massih Ma'ud (as), ki pou accepter. La plupart, malgré avec zot la bouche zot dire zot croire, mais kan Allah (swt) tester zot, et envoye So Messenger, So Messie, ene quelqu'un ki fine vini de parmi zot-même, zot refuser et zot tourne le dos. Alors, li bien malheureux pour zot, parski zot pas pé vire le dos avec moi, mais avec Allah (swt) parski c'est Allah (swt) ki fine envoye moi, et compte là zot ena pou rendu avec Allah (swt).

Donc, maintenant mo présente zot bane *duahs* ki Allah (swt) fine révèle à moi :

Rabbi farriq bainas sadiqeen wal kazabeen, anta tara kulla musliheen was sadiqeen.

Ô mo Seigneur, montrer la différence entre le vrai et le faux. To conne tous bane ki véridique et ki bon.

Rabbijalni Ghaliban ala Ghayri. Wajalni Ghalibatan fid-dunya wad-Deen. Wajalni nafi'an fil hazihi tijaara.

Ô mo Seigneur, donne moi victoire lors bane ki étranger avec moi. Donne-moi victoire dans zaffaires lémonde et dans bane zaffaires religion aussi. Faire sa transaction là vine profitable pour moi.

Rabbi sallitni alan naar. Rabbi akhrijni minan naar. Allahu khayrun hafizu, wa huwa Arhamur-Raahimeen.

Ô Allah faire moi gagne supériorité lors punition du feu. Ô Allah retire moi depuis dans du feu. Allah Li Le meilleur des protecteurs et Li Le plus miséricordieux des miséricordieux.

Rabbi tawaffani muslimaww-wa alhiqni bis-saliheen.

Ô mo Maître, faire moi mort comme musulman et mette moi parmi bane bons.

Allahumma inni maghlubun fantassir wa sahiqhum tas'hiqa.

Ô Allah, mo fine gagne batté, alors vine à mo l'aide et écrase zot en morceaux.

Allahumma Rafiqi 'Ala.

Allah – Le Grand Camarade.

Allahumma Yaa Shaafiyal Amraade. Bismillahil Kaafi. Bismillahis Shaafi. Bismillahir Barr'ul Kareem, Ishfini.

Ô Allah! Celui Qui donne guérison pour tous bane maladies! Au nom d'Allah, Celui Qui Suffit! Au nom d'Allah, Celui Qui Guéri! Au nom d'Allah, Celui Qui Bon, Honorable [Noble] ; Ô Allah, Guéri-moi !

Rabbi arini Kai'fa tuhyil mawta.

Ô mo Maître [Allah], montrer moi couma To faire bane morts revivre.

Subhanaka wa bi-hamdika, astaghfiruka wa atubu alayka.

Pureté à Toi, par To louanges, Mo demande Toi pardon et mo tourne vers Toi.

Rabbi adkhillni mudkhala sidqin.

Ô mo Maître [Allah], faire moi rentre par la porte de la vérité. [Accorde-moi ene place parmi bane véridiques].

Rabbi la tazar alal arzi minal kaafireena dayyara.

Ô mo Maître, pas laisse aucaine méchants [mécréants, non-croyants] lors la terre.

Rabbana amanna faktubna ma'ash-Shahideen.

Ô nous Maître, nous fine croire, compte-nous parmi bane témoins.

Rabbighfir war'ham minas samaa-i.

Ô mo Maître, pardonne-nous et envoie ene l'aide du ciel.

Rabbana jinnaka mazluumeen, fafruq bainana wa baina qawmiz zaalimeen.

Ô nous Maître, nous fine vine dans ene l'état de martyrs ; faire la différence entre nous et sa peuple dominère là.

Rabbana faghfirlana zunubana, inna kunna khati'eene. Rabbana laa taj'alna dawmatal-lil Qawmil jahileen. Wajal afidatam minan naasi tahwi ilayna.

Ô nous Maître, pardonne-nous nous bane péchés, Assurément nous fine être fautifs. Ô mo Seigneur pas laisse nous vine ene bouchée dans la main de bane dominères. Tourne les cœurs bane dimounes vers nous.

Rabbi habli zurriyatan tayyibatan.

Ô mo Maître, donne moi bane zenfants purs.

Rabbi habli milladunka zurriyatan tayyibah. Innaka Sami'ud-Dua.

Ô mo Maître, donne moi comme ene faveur de Toi de bons zenfants. C'est Toi Qui écoute bane la prière.

Rabbi arini ayatam minas samaa-'i. Arini zalzalatasa saa'aa.

Ô mo Seigneur montré ene signe depuis lors le ciel. Montrer-moi sa grand l'évènement ki fine promesse là.

Rabbi hablii hukmaww-wa alhiqnii bis Saalihiin; Waj'al lii lisaana sidqin fil Aakhiriin.

Ô mo Maître, accorde-moi la sagesse et faire-moi joindre bane [ki To fine accepter comme] bons; Et faire ki dimounes après moi parle de moi en bien.

Subhanakallahumma Rabbana wa bi-hamdika, Allahummaghfir li.

Gloire à Toi, Ô Allah, et tous bane louanges pou Toi. Ô Allah, pardonne-moi.

Alhamdu-Lillahi wa salaamun 'ala ibaadi-hillazi nas-tafaa.

*Gloire à Allah et salut à So bane serviteurs ki Li fine choisir. **Ameen. Summa Ameen, Ya Rabbul Aalameen.***

Insha-Allah, mo pou continuer mo Khutba Jummah lors le même sujet vendredi prochain.